

世

廟

識

餘

錄

世廟識餘錄卷之十六

資政大夫太子少保禮部尚書臣徐學謨謹輯

協理戎政兵部尚書史道至京以科道會劾乃上疏乞
退臣衰年病目本不宜重玷朝班昨歲被召以腥膻
犯闕不敢自便邇伏蒙皇上收之既棄委以經
始馬市臣妻子宗黨咸謂自危以致遠近大小之臣
及凡與臣共事者蓋真無一人謂其事之可保善終
也茲伏天威遠攝延寧宣大四鎮市事告成酋虜
自妖逆引犯二次絕無一騎明肆侵掠者臣竊自幸
可以免罪耳而言者猶攻臣不置伏荷聖明憐念

曲賜矜原臣既生入玉門脫身危地受恩深重敢復
念身第兩目瞶眊益甚不辦咫尺委難效職乞賜骸
骨首丘䟽下吏部言道前後處畫市易有無裨益計
聖鑒自晰其以目疾乞休似非得已上覽奏不
悅曰道盡心遺事其功罪有無爾職司擬評未定有
論乃一一以煩主則爾等所辦何事道令竭忠協理
尚書李默等各降俸一級按李默以倖臣陸炳爲武
舉門生特薦之于上故一歲之間自少宰徑陟冢
宰將大用之至是覆道䟽亦深病其以馬市辱國而
又不敢顯言然自是失上心矣

會革吏部尚書李默聯爲民先是遼東巡撫員缺默等
會推布政使張臬謝存儒上曰此非常地默等如
何不用心推舉安有視國若家之心姑記罪即推堪
任邊務者以名聞默因具疏陳罪上大怒曰默受
朕簡託長此六卿每事不思竭報徇情市法恣行不
改薄示以罰乃懷忿忌假上疏謝本當重治姑從寬
黜之按默始以浙江布政使轉太常卿掌南祭酒事
以至今官雖陸炳薦之而大學士嚴嵩實與有力焉
已默典銓凡事與嵩牴牾嵩欲以私人補內制官疏
下吏部考選默徑訪禮部主事張天復等七人充之

而不稟白於嵩。嵩怒欲擬旨駁還。而次輔以爲事小不宜聞之于上。乃止。至是會推江西布政使張臬爲遼東巡撫。臬故不悅於嵩者。因密揭默徇法市恩狀。遂被譴而去。輿論頗稱默不阿。得六卿體。

哈舟兒。甘肅人。史氏子。名進。通事名志久。先年俱被掠陷虜中。久之逃歸中路。爲朶顏衛夷人所獲。隸夷酋幹堆板卜等帳下。各爲通事。進更名哈舟兒。志久更名昂灰。時時引虜於各關口索鹽米酒食。稍不遂輒挾弓矢嚇奪爲害。幹堆板卜等喜之。遂令舟兒冒夷酋名入貢。因熟知京師道路。虜節年侵犯黑谷關。

石壙嶺等處，皆二人導之。二十九年，俺答謀犯京東，遣頭目伯顏打喇探邊，丹兒指以潮河川道路，北虜營駐白廟，逼近古北口，丹兒乃傳虜兵四返以緩我邊備。俺答遂由鴿子洞黃榆溝入犯畿甸，鹵獲甚富。虜德丹兒等乃以所掠男婦及牛馬各數百賚之。今歲虜求開市，丹兒等復往來虜營，誘煽不遂，及屢誑率卒，謂虜且以四十萬衆入京師，爲之戒嚴。咸寧侯仇鸞刺其奸狀，奏下總督何棟購捕之，乃移駐白馬關，廣布耳目，偵丹兒等出獵，因以計擒之，械繫赴京。詔法司及錦衣衛會訊，備得前後諸逆狀，遂俱磔。

于市傳首梟示各邊

時虜警報沓至朝議籍籍追咎馬市非計咸寧侯仇鸞
慮見譴乃上疏曰臣所謂欲開馬市者將陰修戰備
也內外臣計欲殺臣乃故弛備以招虜欲其早負市
約而因以中臣臣無足惜乞下明詔切責諸臣俾各
修戰備每鎮選死士萬人以待臣用虜如入犯令古
北口諸將勿過縱其南下臣當死戰于內而出精兵
搃其巢于外內外夾攻破之必矣上曰所論備虜
事宜兵戶工三部已經理逾年何尚廢弛此如其各
查兵馬錢糧實數以對于是兵部尚書趙錦先覈言

京營士馬一十五萬有奇。除分布九門八營與守護陵寢者餘皆選入大將部下。通計營操出戰之士與各鎮入援之兵不下十萬餘。今又改大寧都司班軍五萬六千發新設十二叅遊戍薊鎮戰士闐闐倍於往昔。何謂無備。且驚欲縱虜深入邀而擊之非計也。蓋薊與他邊不同。畿輔重地豈可使虜中行。即盡能擒之而震驚內地。搖動根本。所喪固已多矣。況我兵積弱之後。雖嚴法重賞驅之進戰。猶苦不前。而可豫令以勿遏乎。疏入。詔以所上士馬數京營行大將在外行總督鎮巡各令加意訓練以待督戰將官

臨發奏請救趙錦始以仇鸞薦得入爲本兵蓋揣知其平生異儒易與耳及錦爲本兵凡事不肯爲鸞用而茲覆鸞疏又大折其欺誑遂失鸞心錦本小心畏慎之士自庚戌虜變後本兵能備曉邊事而夙夜在公者疑無愈于錦已鸞敗言官指錦爲鸞黨而令重得禍寃矣後來史臣考鏡得失烏從而知之也

辛丑竇犯大同益數上復諭兵部曰虜非時侵犯必邊臣平日恃和不戒爲虜所窺其令督撫官嚴飭諸將血戰立功有顧望不前者重治之于是仇鸞內不自安乃上書請將營兵出邊往正其罪上以問大

學士嚴嵩高言鸞或知虜有可乘之機宜從其請然
須擒斬虜酋方爲上功上不許乃下鸞疏曰若零
賊無勞卿行第遣將調兵逐剿是時鸞實無意討賊
第爲大言自解高見鸞橫誕既上寵信深不可間
亦欲因事出之以暴其敗缺非爲國深遠計也按鸞
是時晏處私第日與其妻洪氏盛陳百戲酣飲爲樂
無復行遣之念其疏請之詞皆誑上語而嵩必欲
其出討蓋稔知其荒淫無度恐一旦上聞之謂閣臣
相蔽也然其必不能戰上業已揣之矣

改直隸河間府知府尹耕爲河南按察司兵備僉事仍

予四品服俸令其管領民兵耕自知州起廢數月中
遷兵部員外郎中知府嘗爲給事中李幼滋所劾至
是吏部希大學士嚴嵩旨復擢其知兵破格改用于
是士論譁然給事中張萬紀遂歷數其狂狡不法及
守河間諸貪婪狀劾奏之且言四品方面改五品有
乖選法請嚴飭吏部以後毋紊舊章上大怒命械
耕至京問該部臣俟審鞠後併治之然耕爲嵩所怙
竟無重譴

上諭兵部曰虜之易我以吾叛人爲虜導者多罪浮於
虜今春如此秋舉必然驚去溲一大創始可卿其傳

諭令必戰勿守如何兵部以示驚驚言前月遣兵出
威遠搗虜戰泥河斬首二十餘級奪馬駝五百緣遊
擊時陳見敵不勇故未致大捷耳茲秣馬礪刃惟俟
遊擊張堅兵至分道出塞用收犁庭功以慰 聖念
也驚每大言虜不足平及是督之用兵始畏縮不敢
動大學士嚴嵩既與驚相失乃言驚不戰非計故
上令兵部傳諭之然自是亦知驚不足恃矣按是時
驚行邊邊臣來問職方相見之禮職方對以祖制文
武不相統攝諸公自爲之計耳然驚爲 上寵幸益
恣肆無比道路以自遠臣自總督外卽巡撫相見不

敢正坐若兵備則側矣嘗過昌平供張擬于乘輿即
鵝價每隻騰至銀三兩他物稱是上雖有所聞然
倚毗方切尚不忍罪驚也

上諭輔臣嚴嵩曰近議朕二子出閣一事久未見部疏
何也于是禮部尚書徐階疏請選官寮具儀節以欽
天監所擇四月二十五日吉期上上初許之已而
復諭曰今又逼夏月能行幾日不如七月末旬行爲
實用時尚書孫承恩掌詹事府事自以臣職在輔養
乃上疏固請上不悅曰雷久不聲占云臣專政果
迨不奉君令卿又此附和未可也按先是禮科給事

中章适嘗上二王出閣之疏爲上所銜未發也忽於承恩疏內降旨适惶恐徑乘間引疾歸不復仕矣

禮科給事中袁洪愈奏翰林院檢討梁紹儒自爲廢吉士日奔走權要交通賄遺時人有不讀書管閒事之誚吏部文選郎中白璧招權鬻爵其門如市所得四方金錢至今姑婦爭攫惡言詆語聲聞于外俱宜罷斥時萬鏜爲吏部尚書萬守禮爲右侍郎洪愈以鏜守禮不能秉公執法表正屬官乃併論鏜衰老貪得及守禮昏餉宣大刻削軍儲疏入上切責鏜守禮

合自陳狀下壁于鎮撫司拷問有 詔降二級調外
任既而鎧等各上疏引罪俱留用紹儒乞以原職致
仕許之按紹儒爲嚴嵩假子官檢討時已營宅比于
侯王矣與吳中一縉紳比屋而居嘗與之借書見書
套甚整發之皆刻其中蓋便于藏賂又縉紳之族人
某者爲武定州判官思擢一京職偶以事入京用六
百金納萬鎧鎧業許之而選郎白璧固執不與又持
三百金賂璧始得遷兵馬副指揮縉紳以其事洩之
洪愈故洪愈有此論而嵩徑不能庇也 聖明自有
洞鑒矣然未幾洪愈出爲山東僉事以鎧不去得行

其私也。

詔收大將軍鸞制勅將印命侍郎蔣應奎暫掌戎政陞
京營遊擊將軍時陳爲都督僉事改戶部左侍郎孫
禴爲兵部左侍郎燕都察院右僉都御史俱提督軍
務時鸞病疽甚疏請輿疾赴軍上不與會宣府劄
鎮警報日急兵部尚書趙錦乃奏言今強虜壓境人
心洶洶大將乃安危所係而鸞病不能軍有如虜衆
長鷗貽憂君父不小臣錦不勝犬馬拳拳願親往
代縶繫戰蹶入上謂本兵不當輒出乃詔鸞納
還勅印其京營戎政令應奎署掌仍命暫設臨陣文

武大臣各一員代驚督戰以孫禮為之驚聞命驚惶
尋卒大學士徐階因疏驚生時通虜誤國狀上覽
之大怒命掌錦衣衛事都督陸炳密訪炳素惡驚常
使人微伺驚動靜及其左右用事者銖兩之奸悉知
之驚且死前一日炳欲發其事恐按驗無實乃陰令
人誅驚家丁時義侯榮令亟逃虜中避禍不然且擒
義等信之各逃至中途炳遣人遮縛之乃悉發驚初
鎮大同與虜公通要約遺虜貨幣諸物虜亦遺驚箭
囊持此為他日不犯大同信契義等各承遣往來今
懼事發逃入虜中欲勾引入犯狀具以上聞上大

怒卽命炳會同三法司議罪。於是法司奏當鸞謀反
律當進戮。奉入得旨。鸞背叛朝廷。引誘入犯。大逆
不道。神人共憤。雖仰荷玄威。殛死未盡其辜。仍剖棺
斬首。梟示九邊。父母妻子及時義侯。榮皆斬。妾女孫
發功臣家爲奴。財產盡沒入官。家屬流置諸黨惡者
發遣邊配有差。鸞少讀書能文。頗有勇略。然貪矣險
狠。累鎮兩廣。甘肅所至輒與督撫大吏相評奏。旣攻
殺曾銑。起典重鎮。會庚戌虜騎薄京城。四方援兵無
至者。鸞一軍獨來。故上甚壯之。鸞又多大言。云能
出塞驅虜。上以是愈益信之。特拜爲大將軍。領中

外諸軍事寵任于群臣無比久之其說皆不售常出
軍大同一無所獲而還又馭軍無紀縱所領邊兵侵
暴京師人心洶洶流言日聞上始厭惡之稍稍裁
抑而鸞不爲悛改益肆貪縱故及於禍按國史所紀
鸞始末如此然是時不聞徐階揭之或有之而外朝
官不知耳蓋鸞先是於嚴嵩父子合謀陷殺夏言曾
銑其交甚固鸞因有寵于上已權勢相軋寢不相
得鸞遂密疏嵩父子行事爲上所信業四次不宜
之入直矣嵩見徐階李本入西內即與之同往至西
華門則門者以無旨不敢納嵩嵩復還第度不知

禍之所終父子嘗對泣仍卑詞乞階爲之解是時階
與嵩未有大隙而陸炳從中調停乘鸞之死已先爲
殛鸞地乃或愆愆階上書以實其罪於是鸞族而
上益信嵩無他先是嵩以不宜入直每日獨詣閣調
旨忽一日上遣所御龍舟過海子迎嵩于閣嵩
遂西渡得入直如初而嚴氏之勢愈熾不可向邇矣
此係世道升降之會而作史者不及知故記于左又
鸞未病時嘗見紅駿人隨其後卧則夏言曾銑持斧
剗之及疽發其孔有九蓋孽症也其居在石大人街
爲逆亭故第今改寶源局者是也

署戎政府右侍郎將應奎子繼詔左通政唐國相子熙
敬以大同鎮川堡等處帶功陞賞給事中凌汝志言
今狂虜跳梁士氣不振朝廷日懸金爵之賞給功而
授之人猶不肯用命況又繼詔等乳臭小兒從帷闥
執袴中奪之首功奈何令披甲之士冒霜露犯白刃
畢命疆場之外乎夫應奎國相身為大臣甘心壟斷
以外則爲邊臣誨詐以內則爲子弟榮奸有臣如此
將焉用之疏下兵部覆驗如汝志言上怒命錦衣
衛捕應奎國相杖于闕下黜爲民繼詔熙敬付巡按
御史逮問具奏按是時上又不視朝而又有嚴嵩

爲之壅蔽故以內則鬻爵外則冒功文武兩銓俱廢
職業矣賴上神武事發必誅四罔上行私者終恬
不爲懼安危在所任詎不信夫

南京廣東道試御史王宗茂劾奏大學士嚴嵩久叨國
柄擅作威福以贖貨爲長策以彌縫爲巧圖如吏部
銓衡之地也嵩則每選額定二十員州判三百金通
判五百金天下名區聽其揀選兵部將帥之府也高
則每選額定十數員管事指揮三百金都指揮七百
金三邊要地惟所鑽求夫吏兵大臣非不知其權之
移也一不從則禍立至積威之劫耳是故大臣寧負
世廟識餘錄卷之十六

陛下而不敢負嵩也。氣焰薰灼炙之者，熱根蒂盤據觸之者碎。凡苟富貴保身家之徒，無不出入門下，承望顧指，卽爲之乾子者，不知其幾。若尹耕、梁紹儒輩是也。所畜家人無慮數百，往來郡縣需索，有司騷擾驛遞，稍不如意，則橫被捶楚，無敢誰何。是天下畏嵩甚於畏陛下也。生辰受賀，方物畢陳，歲時問遺，金寶相屬，嘗聞其往年被論治裝時，有一門官從傍所窺見之，其金銀寶玩狼籍盈庭，謂雲南之物，遠致萬里，不知陛下宮中亦有此器否。陛下所食大官滋味，不過數品，而嵩之飲宴則窮海之錯，極陸之

毛靡不備具。是天下供奉嵩甚於供奉陛下也。所得四方賄遺府第不足以容之。乃穴地爲藏。深廣數丈。金珠寶貨咸入其中。此豈神輸鬼運哉。官歛之于民而納之于嵩也。嵩視之若不甚惜。而不知鞭朴之苦。骨肉之盡。一路之哭。有不勝其慘者矣。嵩欺天罔人之罪。不可縷數。此特其梗概耳。臣非不知陛下之左右皆蒿之心腹。一言浸潤。刀鋸伏焉。而臣顧欲去必不可去之姦。以賈必不可生之禍哉。良以世受國恩。無由圖報。而况廁言官之列。遇受言之君。既知奸慝。敢復隱忍以自全耶。時吏部考功郎中萬安

爲私人也宗茂併論案附權納賄不可以處銓衡之地疏入上怒其恣肆妄言誣詆輔臣令降責之責之

世廟識餘錄卷之十六終

世廟識餘錄卷之十七

資政大夫太子少保禮部尚書臣徐學謨謹輯

初兵部尚書趙錦自大同巡撫召入本部仇鸞有力焉
時董懋中爲職方郎中及鸞敗給事中郭鏞言錦前
論事鸞如議開馬市議分團營皆阿旨釐成旣而見
邊事日非鸞敗形已露乃稍示抵持悟兩端以自解
懋中雖已陞任然爲職方時朋奸鸞辭狀播在人耳
目臣不敢一二悉數卽今聖明在上洞燭逆形若
近者蔣應奎唐國相輩皆以鸞黨冒功明正國法中
外臣民莫不舉手相慶謂世道清平之會矣顧致亂

有原去惡務本所以論才選將叙功陞賞以主持
中者本兵職方是也錦懋中罪浮應奎等數倍而斥
罰未及何以示大公于天下疏入上曰鑰所言是
本不清何以澄流錦久附逆賊朕亦素知克極邊衛
軍妻子隨住懋中發口外爲民按錦固仇讐所薦而
入部後凡事頗持正況是時仇讐權總京邊勢傾中
外卽三輔臣亦曲意事之而本兵與職方事每相關
自不能與之抗然以讐之很戾而從中調停陰爲節
制則錦與懋中不爲無助錦故謹厚長者而懋中少
乍極熟於典故當庚戌後邊事倥偬懋中口占題覆

日上數十疏其敏決如流亦一時奇才第守不足耳
言官槩以黨黨罪之稍過矣

內官監太監杜泰提督光祿寺所乾沒內帑銀以數萬
計光祿寺少卿馬從謙奏發其奸泰亦奏從謙盜用
大官食物及誹謗不忠狀巡視給事中孫允忠御史
狄斯彬交章劾泰如從謙言因劾寺卿高燿不能覺
察四署正通同爲姦乞併治詔逮從謙泰于鎮撫
司訊鞫科道官待問明議處已鎮撫司訊上泰因公
時以從謙挾私奏計俱屬有罪第所引誹謗曖昧語
無證左不足深誅上竟怒從謙誹謗下法司令與

泰各候賊完日擬罪以允中等黨護降邊方雜職鎮撫司官斷獄不當奪俸五月於是法司議從譙當坐盜內府財物者律贖徒爲民第所指誹謗雖無明據然跡其狂悖不恭難依常典宜發極邊衛充軍泰送司禮監奏處上怒未已詔執從譙廷杖八十發烟瘴充軍泰革任以能發謗臣免罪從譙遂死杖下按泰故爲上所親嬖而從譙奏發其奸雖職掌所關而亦異乎信而後諫者矣安得不逢上之怒乎逮法司擬罪尚不欲以誹謗當之亦可謂有人心矣而卒不免於杖死人以爲冤

工科右給事中李用敬奏開膠萊新河其畧謂邇者河道湮塞深妨國計聞之膠萊之間有新河一道在海運舊道之西乃元人欲開通以避海濤島嶼之險而未成者先是山東巡海副使王獻憫登萊之民土瘠人稀生理不足皆由舟楫不通常按元遺跡鑿馬壕底以通淮安商賈建新河等閘八座以蓄洩水患導張魯白現諸河以濟水道見今淮安之船由淮河直抵麻灣卽新河之南口也由海滄直抵天津卽新河之北口也自南口以至北口僅三百三十餘里各有潮水渠入中有九穴湖大沽河諸流可引其淤塞未

通宜量加濬者一百五里。宜深加濬者三十餘里。元人用功。開其二。今之用功。當任其一。此皆章明可見者。乞選才望官一二員。會同撫按官。亟爲修舉。䟽入工部。覆行。所在撫按詳議具奏。報可按膠河之議。起於王獻獻。子道直中庚戌進士。嘗與其同年閩人何廷鈺言之。後廷鈺選爲御史。以無可建白。乃襲獻言。同李用敬奏行之。後竟無效。而鈺亦因此敗官。所謂元人已開其二。以其功之可用也。而未開其一者。必以岨梗䟽鑿難施耳。不然以勝國民力之饒。豈不能收其全績而有俟於今日之任其一哉。漢人有言。

有非常之人而後有非常之功延至萬曆間尚有妄
意成功者何怪其紛紛也頃北郡墾田之舉亦然
大學士嚴嵩言茲值春陽紀序淑景融和 二王殿下
婚禮宜以時舉 上曰朕意擇在仲春爲美可語監
臣遵行嵩又言昨歲奉有明旨着於各府行禮此因
先年舊例但臣等思得府第淺窄出府未免易與外
人相接在親王則可今日事體不同臣等再三計之
實有未安自今 二王殿下合無暫且留在內成親
亦于保護爲便 上謂嵩提于外議命舉冊立事尚
言此舉天下臣民久所仰望但今婚期已定伏望

上曰何從已等乃謂自於宮內成婚其冊立大禮另
候欽示舉行。上批荅曰出府之不可是害及二王
是害及朕卿等明說來。蓋對言儲貳名分未正而又
居于外雖應得者亦懷危疑。府第連接僅隔一壁從
人衆多情各爲主易生嫌隙此在。二王不可不慮
者也。先朝有太后在上有中宮東宮體勢
增重主上尊安今列后不在至親惟有二王
却俱出外此在。聖躬不可不慮者也。上謂皆不
足恤人無能勝天者二子只依本分待朕命處分方
可勿再瀆按謫此論旣慮二王在外易生嫌隙又

慮二王出外主勢甚孤此外臣所不敢言者以
恃且知遇故爲是危言耳不可以人廢之也

禮部擬

二王婚禮儀註言會典所載黜戒之詞有二

其一云往迎爾相承我宗事爲承宗者言也其一云
往迎爾相用承厥家爲承家者言也今晉京將以承
宗封國所以承家戒命之詞伏俟裁定 廟見古

以三月後世以三日蓋首日告

祖考而親迎合卺

成其爲妻明日夫率以見舅姑又明日盥饋於舅姑
成其爲婦又明日始率以見 祖考先後之序如此

累朝率與合卺同日至成化中

東宮納妃始改

正從古今宜以改定者爲正。朝見盛饌。先朝有

太皇太后有。皇太后有。中宮儀文各異。今

二王率妃詣。上前行禮後。宜於各母妃前行禮。以

彰婦順。又會典。東宮不回門。親王回門。然未有

定期。今宜待之國前一月。擇日行餘儀如舊。上覽

不悅曰。旣云王禮。自當依典制行之。又何不同之有。

今不必欺擾。第速降勅立太子。分別成婚。任爾等爲

之。勿以煩朕。於是禮部遂擇日具冊立儀。以請。上

以問大學士嚴嵩。嵩對昨。御批。部疏欲舉冊立儀

以請。豈敢不遵。但前奉。聖諭。俟有。明命。處分。臣

等不敢復瀆。上乃韶部臣曰：豈有朝更暮改之禮？其遵朕初諭。二王一體行禮，勿復違擾。按是時閣部勸上冊立，東宮俱辭嚴義正，而上終不肯從。聖意淵矣。自二王成婚之後，禮部每歲首上冊立套數，上第批云：候旨行而已。裕王遣人來告禮卿曰：父皇自有主張，先生須併每歲套數亦已之何如？穆宗在藩邸，其舍弘養晦類如此，得潛龍勿用之義矣。

兵部武選司員外郎楊繼盛上疏劾奏大學士嚴嵩言：臣先因諫阻馬市下獄，逆黨威囑問官，必欲置臣于世廟識餘錄卷之十七。

死。陛下特寬其罰。不二年間。復至今職。臣仰荷隆恩。思所以報。莫急于請誅內賊。臣方今外賊則胡虜。內賊則嚴嵩。然未有內賊不去。而可以除外賊者。故臣請誅賊嵩。當在勅諭之先也。敢以嵩之專政誤國十大罪爲。皇上陳之。我太祖高皇帝詔罷中書丞相。而立五府九卿。分理庶政。殿閣之臣。惟備顧問。視制草。故載諸祖訓。有曰。以後子孫作。皇帝時。臣下有建言設立丞相者。人凌遲全家處死。此其爲聖子神孫計。至深遠也。反嵩爲輔臣。儼然以丞相自居。凡府部題覆。必先稟而後起稿。是嵩雖無丞相。

之名而有丞相之權有丞相之權而無丞相之責以故各官之陞遷未及謝恩而先謝嵩蓋惟知事權在嵩畏懼奉承而已此壞祖宗之成法一大罪也權者人君之所以統馭天下之具不可一日下移臣下亦不可毫髮僭踰嵩一有票本之任遂竊威福之權皇上用一人嵩曰我薦之也及黜一人嵩曰此非我親故罷之皇上宥一人嵩曰我救之也及罰一人嵩曰此人得罪于我故報之借朝廷之恩威行一己之愛惡此竊皇上之大權二大罪也善則稱君過則稱己人臣事君之忠也嵩於皇上行政之

善必合于世蕃傳於人曰 上故無此意我議而成
之又將 聖諭及嵩所進揭帖刊行爲書名曰 嘉
靖䟽議欲使天下後世謂 皇上所行之善盡出于
彼而後已此掩 皇上之治功三大罪也 皇上之
令嵩票本蓋取君逸臣勞義也嵩乃令子世蕃及諸
義子趙文華等群會而票機密本豈不漏泄乎所以題
䟽方上滿朝已知天語旣下前講若合符契此縱奸
子之僭竊四大罪也邊事之廢壞皆原於功罪賞罰
之不明嵩爲輔臣乃爲壟斷之計欲令孫冒功于兩
廣故先置伊表姪毆陽必進爲總督姻親平江伯陳

珪爲總兵鄉親御史黃如桂爲巡按朋奸比黨譸張
爲幻先將長孫嚴劾忠冒兩廣奏捷功陞所鎮撫又
冒瓊州一人自斬七首級功造冊繳部其後劾忠告
病乃今次孫嚴鵠襲替鵠又告併前劾忠七首級功
加陞錦衣衛千戶今任職管事劾忠鵠皆世蕃叅養
子也而假執戰功冒濫官爵以故必進得入爲工部
尚書圭托疾得掌後府如桂得遷太僕寺少卿此冒
朝廷之軍功五大罪也逆賊仇鸞總兵甘肅以貪虐
論革嘉靖二十九年大同帥張達敗沒正胡虜窺
伺之時使嵩少有爲國家之心豈肯用此僨帥以寄

千城而世蕃乃受鸞銀三千兩威迫兵部薦爲大將
及鸞冒哈丹兒軍功世蕃亦藉以陞庵蒿父子彼時
嘗自誇以爲有薦鸞之功矣及鸞勢出蒿上反肆凌
侮故蒿常自嘆以爲引虎遺患後知 上有疑鸞之
心恐其貽累故姑設異同以泯其初黨之跡是勾虜
背逆者鸞也而受賄引用鸞者蒿與世蕃也此引背
逆之奸臣六大罪也前胡虜犯內地深入經時兵法
擊其情歸一大機也而兵部尚書丁汝璈問計於蒿
蒿乃曰京邊不同勢敗於邊可掩也敗於京不可掩
也且虜飽自退耳故汝璈令不戰及皇上逮治汝璈

汝襲臨刑始知爲嵩所紿是嵩以不戰俟國而又以
計殺汝襲也此誤國家之軍機七大罪也刑部郎中
徐學詩以劾嵩與世蕃也革任爲民矣嵩乃於考察
京官之時逼吏部將學詩兄中書舍人徐應豐罷斥
荷蒙 聖明洞察留用戶科都給事中厲汝進以劾
嵩父子降典史矣嵩考察外官之時吏部將汝進罷
斥此專黜陟之大柄八大罪也今府部之權皆撓于
嵩矣而吏部兵部大利所在尤其所專主者嵩於文
武官之陞遷不論人之賢否惟論賄之多寡各官之
任亦通不以報國爲心惟日以賄嵩爲事將官旣納

賄于嵩，不得不剝削乎軍士。有司既納賄于嵩，不得不濫取于百姓。利歸一人，毒徧天下。此失天下之心，九大罪也。先朝風俗淳厚，近者自逆瑾用事，始少一變。至嵩爲輔臣，諂諛欺君，貪污率下，通賄愆勤者，貪如盜跖，而亦薦用；疎拙者，廉如夷齊，而亦罷斥。守法度者，以爲固滯；巧彌縫者，以爲有才。勵廉介者，以爲矯激；善奔走者，以爲練事。卑污成套，牢不可破。此壞天下之風俗，十大罪也。嵩有十大罪，昭人耳目，以皇上之聰明，而若不知者何哉？蓋皇上待臣下之心，出於至誠。賊事皇上之奸，入於至神，以

至神之奸而欺至誠之心無怪乎墮其術中而不覺也臣請更以嵩之五奸言之知皇上之意向者莫如左右侍從嵩欲托之以伺察聖意故先用重賄納之於皇上一言一動無不報嵩報則酬以重賞凡聖意所在嵩皆預知故得以遂其逢迎之巧是皇上之左右皆賊嵩間諜其奸一也通政司納言之官嵩欲阻塞天下言路故令義子趙文華爲通政使凡疏到必將副本送嵩與世蕃先閱而後進疏內情節嵩皆預知少有干涉即爲彌縫聞御史王宗茂劾嵩之疏文華傳番五日方上故嵩得以轉展遮飾

是 皇上之納言乃嵩之鷹犬其奸二也嵩既內外
彌縫周密所畏者廠衛衙門緝訪之也嵩則令世蕃
將廠衛籠絡迫結姻親是 皇上之牙爪乃賊嵩之
爪葛其奸三也廠衛既以親矣所畏者科道之言也
嵩於進士之初非私屬不得與中書行人之選知縣
推官非通賄不得與行取之列考選之時又擇熟軟
圓融者出自門下方補科道至五六年無所建白卽
陞京堂方面故科道諸臣寧忍于負 皇上而不敢
忤權臣也是 皇上之耳目皆賊嵩之奴僕其奸四
也科道既入其籠絡而部臣如徐學詩之類者皆可

畏也。嵩又令世蕃將各部之有才望者俱網羅門下。凡部中欲行一事，先報世蕃，故嵩得預爲之布置。各官少有異議者，亦先報世蕃，故嵩得早爲之斥逐。各部堂司大半皆嵩心腹。皇上自思左右心腹之人，果爲誰乎？此真可爲流涕者也。皇上之臣工多嵩之心腹，其奸五也。夫嵩之十罪，賴此五姦以彌縫之。五姦一破，則十罪立見矣。噫！嵩握重權，諸臣順從，固不足怪，而大學士徐階蒙皇上之知遇，宜陰抵力排，爲天下除賊，可也。乃凡事唯聽命於嵩，不敢持正少抗，是階爲嵩積威所劫。然於皇上亦不可謂

之不負也。伏望皇上聽臣之言，察嵩之奸，群臣與嵩畏威懷恩，固不必問也。皇上或召問二王，令其面陳嵩惡，或詢諸閣臣，諭以勿畏嵩威，果庶其實重，則置之憲典，輕則諭令致仕，以全國體。賊嵩既去，豪傑必出，賞罰既明，軍威自震，胡虜不足平也。疏入，上怒其因謫官懷怨，捩拾浮言，恣肆瀆奏。且本內引二王為詞，意果何謂？令錦衣衛執送鎮撫司拷訊，問官以疏辭引二王當詐，傳親王令旨，律絞。獄具，詔杖之百，繫獄待決。居二歲，竟死西市。按繼盛臨刑之先，嵩欲援之下之於龜，龜裂故止，而弗援，而其黨鄒懋

卿等又有養虎遺害之說諷嵩高遂中止而繼盛之死世真有冤于此者矣時比部諸郎相戲曰繼盛之刑犯何律乎曰不犯律而顧犯聖經孔子曰直而無禮則絞此之謂也滿朝傳之捧腹繼盛疏中爪葛一段顯指陸炳今國史沒其姓名似疑有私之者

工部尚書歐陽必進奏辨楊繼盛所論嚴効忠冒功事詔兵部查明具覆于是武選司署郎中周冕言臣奉詔卷查嘉靖二十七年通政司狀嚴効忠時年十六因會武舉未第咨送兩廣軍門聽用未及年餘總兵官陳圭都御史歐陽必進奏黎城平遣効忠報捷授

錦衣試所鎮撫未及月餘嚴鵠稱伊兄効忠曾子軍
中斬首七級併加功陞署副千戶幸 聖明昭鑒下
本部查覆嚴蒿子世蕃乃自創一稿送臣教臣依稿
題覆臣觀其稿率誕漫支離情節舛戾請得一上折
之如曰効忠固有勇敢何不咨送宣大而乃於兩廣
之遠如曰効忠曾考會武舉未第何部中並無起送
公文今又自開民人而不言武舉如曰効忠報捷例
授所鎮撫則原籍江西立功廣東何不于二處帶銜
而冒銜錦衣衛如曰効忠果鵠之親兄則世蕃數子
俱幼且未有名効忠者如曰効忠果世蕃之子據當

時狀稱止年十六豈遽能赴戰親冒矢石如曰効忠
果斬七首級何軍門諸將未聞有斬獲之多獨宰相
一孫勇冠三軍如此如曰効忠對敵刀劍脛臂計臨
陣及差委時未及一月何以飛報軍情于萬里如曰
効忠到京以創甚疾故何以鵠替職之文止告不能
授職而今又捏爲疾故如曰効忠試鎮撫當替則奏
捷功止終本身原無承襲之例如曰効忠功次當併
按例當先奏請何止令通狀而逼令司官以行臣因
悉心廉訪原未有效忠者赴軍門聽用鵠亦非効忠
親弟其報捷及首級皆屬虛捏必進係嵩鄉曲圭又

世蕃姻親依阿朋比共爲欺罔臣如不言陛下何

從知其奸哉且自累朝以來未聞有宰相子孫送軍

門報効者今嵩不惟咨送軍門而且詐捏冒功是大

壞祖宗之法者自嵩始彼蔣應奎唐國相輩安得

不効尤也臣職掌所關乞特賜究正使天下曉然知

朝廷有不可倖之功不可犯之法臣雖得罪死無

所恨上以其事比下部覆責冕不候處分肆行報

復令錦衣衛執送鎮撫司拷訊以聞已罷冕爲民兵

部尚書聶豹遂以世蕃所囑冕稿具覆而嵩自上疏

乞免鵠官上優荅嵩因諭部臣曰爾等謂茲事無

碍朕知已第輔臣懇辭宜特允之以慰其意按冕故
以御史建言被謫量移是官其摘發嚴効忠冒功之
弊詞核事詳人謂高必難自解而上竟置之不問
而冕削籍去矣本兵韞豹素以道學負時名徐階特
薦之而乃曲意阿黨爲之黨護且無論平生所講何
事亦何面目見其爾郎耶

巡按雲南貴州道御史趙錦劾奏大學士嚴嵩曰臣伏
見今年正旦日食災異非常又山東淮徐間連歲大
水四方地震疊見章奏變不虛生必以類應臣愚謹
以天意驗之人事醜虜驕橫時肆侵陵閣臣怙寵擅

作威福真若影嚮之不謬者昔我太祖高皇帝罷丞相散其權於府部諸司而總之於朝廷聖祖所爲萬世慮者至深遠也成祖文皇帝時始命解縉楊士奇等七人入直內閣然初皆編修待詔等官終永樂之世亦不過春坊學士之職取其足以代王言備顧問而已洪熙中楊士奇等始以東宮舊恩兼領保傅景泰中復以保傅之重兼領冢宰於是內閣之權日以重而祖宗之微意寢已失矣列聖相承循爲故典故議者以爲今之內閣無丞相之名而有丞相之實非高皇帝不設丞相本意然當時

諸臣雖身居宥密，參與謀議，猶未敢招權市寵，公行賄賂。故內閣之權雖重，其弊尤爲未極。頃者夏言以貪暴之資，廁跡禁扉。大學士嚴嵩復以奸佞之雄，繼登台鼎。怙恩寵以張威權，假刑賞以行其愛憎。事無大小，咸專於已。人有少違，必中以禍。於是百官望風懾息，天下之事未有聞於朝廷。先以聞於內閣，白事之官班候於其門，請求之賂輻輳于其室。如銓司之黜陟，本兵之用舍，尚書每先白嵩許可而後具題。其清要之職，優厚之地，非內閣之私人與通路者則不可得。邊臣苟失事，必尅軍糧行賂嵩所，賂入則願

指諸司曲爲擬議無功者受賞有罪者免刑體勘之
臣覩冒濫而上不聞執法之司知冤抑而莫能伸理
至于宗藩勲戚之封襲文武大臣之贈謚亦惟視賄
賂之厚薄以爲遲速予奪而莫之顧諸凡中外臣僚
或以遷除致謝或以出入饋遺大者千百小者數十
奇珍異綵水運陸輸則又視爲常例其他希寵干進
之徒妄自貶損稱呼非類頌美功德奴顏婢膝於其
前而庶耻掃地者則臣所不忍言也 陛下天縱神
聖乾剛獨運自以爲予奪由宸斷題覆在諸司閣
其不過稟擬取裁而已諸司之題覆則以其先受其

風旨閣臣之稟擬莫非恣行其胸臆群臣敢怒而不
敢言。陛下何由而知之。今言雖莫逃于天誅而高
尤得以播其惡者。蓋言剛暴而踈淺其惡爲易見。高
柔佞而奸深其惡爲難知。高窺伺逢迎之巧。似於忠
勤諂諛側媚之態。似於恭順。能引私人布列要地。以
探諸臣之動靜。而先以制之。故少敗露。又善以厚賂
結。陛下左右之人。凡深官起居。意向無不先得。故
多稱旨。或候。聖意所發。因而行之以成其私。或因
事機所會。從而執之以肆其毒。使。陛下思之。則其
端本發於朝廷。使天下指之。則其事不由於內閣。幸

而洞察于聖心，則諸司代嵩受其罰，不幸而遂傳于後世，則陛下代嵩任其咎，嵩之術誠巧矣。陛下聖明，所以傾心任嵩，人屢言而不疑者，豈誠以嵩爲賢耶？自嵩輔政以來，惟恩怨是酬，惟貨賄是好，權悉歸于掌握，而各司皆不得其職，群臣憚陰中之禍，而忠言不敢以直陳，四方習貪墨之風，而閭閻日見其愁怨。頃自庚戌之後，醜虜陸梁，臣見陛下嘗募天下之武勇以足兵矣，竭天下之財賦以事邊矣，搜天下之遺逸以任將矣，行不次之賞，莫測之威，風示中外矣。重血戰之功，寬損軍之法，以展舒諸臣矣，而封

疆之臣竟未見其有能制醜虜之死命而紓宵旰之
憂者何哉蓋緣權臣行私將吏用倖以培植爲得計
以營求爲有能遂至朝廷之上用者不賢賢者不
用賞不當功罰不當罪使陛下欲致太平則群臣
不足承德于左右欲遏戎寇則將士不足禦侮于邊
疆財用已竭而外患未見其底寧民困已極而內變
日虞其將作蓋古者雖中材之主輔佐得人猶可以
小康而無患今陛下躬秉至聖憂勞萬幾三十三
年于茲矣而天下之勢其危如此非蒿之奸邪何由
以致之臣願陛下觀上天垂象之顯察二祖

立法之微念操柄之不可使移思紀綱之不可使亂
將嵩早賜罷斥以應天變疏入嵩待罪乞罷上
溫旨慰留不允乃手批錦疏曰錦疏可疑且明謗君
上情罪欺天令錦衣衛亟發官校械繫來京問嚴鵠
前職無有違碍昨慰嵩情非可爲令邪長正沮可乎
其仍照前行令鴻臚寺諭嵩以朕意即入直贊後錦
械至下詔獄杖四十擬贖徒降雜職用特旨斥爲
民按錦是時業奉差在萬里外而猶不忘君側之奸
必欲鋤而去之且辭嚴意厚不事矯激可謂効忠之
極矣後錦起用歷南京吏部尚書一言官論錦平生

無一善狀滿朝傳以爲咲後生不知 先朝老成而
自以其意爲愛憎此蠹國之尤也

世廟識餘錄卷之十七終

世廟諡餘錄卷之十八

資政大夫太子少保禮部尚書臣徐學謨謹

丹徒靳文僖貴之繼夫人年未三十而文僖公卒比老
有司以其孫爲嚴氏容默有所授爲之奏請旌典事
下禮部特儀曹郎與靳有姪因力爲之地禮書吳山
曰婦以節旌制也第今令甲所載義夫節婦孝子順
孫諸旌典疑爲匹夫匹婦發潛德之光以風世耳若
士大夫之家何人不當爲節義孝順者乎文僖公身
爲鼎臣夫人已生受殊封矣奈何與匹夫匹婦爭寵
靈乎文僖公在地下恐非所樂聞也執寢之而議

卽以故事拂山山曰從年都督孫堪禮母喪還沂道
率斯中有司以其弟宗伯公故奏旌爲孝子而其猶
子爲之請予謂禮殿不滅性汝伯宜爲母死則汝父
不宜獨存何意軒伯以輕父也且已都督榮矣又欲
專孝子名乎矧滅性非孝也後主筆者昧禮而自行
之乃今何以濟斯夫人也會當赴直入西苑與大學
士徐階遇階亦以爲言山正色曰相公亦慮閣老夫
人再醮耶階語塞自是覘公慙不復與之言事又金
壇曹編修某者以病痿其一足第以一足彳亍行會
有冊封差遣曹請之於山山曰先生病矣恐不任使

事曹陰有挾逮曰三閣下業許之矣山曰此職掌在禮部吾知而使之是不忠也不知而使之是不智也卽三閣下能強予以篤疾人爲王國持節乎先生止矣曹大慙起而對曰公曉人不當如是遂拂衣出而會稽諸修撰以曹不行自詣山請行而不及次山曰得無陵乎諸以省毋對山阻之曰旣以母故人莫大焉何不請捐半年俸以假歸爲有名乎又無損於後日叙遷也諸曰諾遂辭不行時分宜之子陰執朝權尚書唯唯聽命第不敢犯山有求囑者姑應之曰俟他日老父自言之其見憚如此

合州王都御史熿卒其子南雄知府宏來奏父卹典祠
郎某以熿平生清謹任事宦蹟尤著于南京兆時且
始終出處無玷當得全請業已說堂而人有偵知之
者宏一日詣熿寓邸求謁其子世蕃凡三及門辭焉
而容馬戀者給宏云大爺久不見客數候無益君欲
爲父祈恩須賂七白金卽謚可得况祭葬乎宏乃如
其數因鑾進之鑾竟與夥客三人私分其金而世蕃
初不知之也此部疏入被 旨僅與祭葬而已宏詫
曰祭葬例所自有賂之何爲因自詣西死求謁高嵩
與熿有平生乃延宏問曰汝來京師何遲遲見也汝

父嘗得全典，所以不徑給者，俟汝面請以明吾恩也。宏口噤色慄，不能對。久之，第含糊語曰：「也曾也曾。」高意其子必嘗私之矣。宏退而世蕃適入，私扣之，茫然。乃急召訊宏，知馬樂等誣匿七白金，卽日上疏收鑒等赴錦衣獄拷鞫，追金還宏，而四人皆遣邊戍。鑒嘉興人，嘗中癸卯順天鄉試，以冒籍除名，分宜爲編修時，往來其家，以故得竄入邸中。黃緣爲奸利，士大夫以此暱之。至是始發覺，而吳人有湯儀，藉者以能鑒古頗用事，今亦在遣中。按是時高子世蕃受賂遺既多，樂旁索古書畫，凡獻古書畫者，必先賄湯儀，稍辨。

以爲真蹟始收之而吳中一都御史偶得唐張擇端所畫清明上河圖贗本以饋世蕃而賄不及湯湯直言其僞而世蕃大怒後都御史竟陷大辟而湯先已遣戍去矣

丁巳四月二日夜

上在宮中見熒惑逆行二舍明日

下諭禮部禱雨於洪應雷壇祈以禳之至十日夜大雨如注漏下三鼓而雨止奉天殿火猝起延及奉天門五鳳樓四鼓燼矣上自以寅奉上玄克厯抑畏一旦致災頗煩聖抱明日禮部上修省疏內批有朕涉無前大變若墜深淵語其他修省事宜一切不

行第詔告天下奏祭郊廟而已時人心洶洶憂危之甚比端門下詔之日忽聞門樞聲朝臣驚走班次大亂有倒屣裂冠披髮露跣者司禮監官以聞上竟不之罪也詔草始出嚴嵩筆上大加竄削備悉罪已之指詞極哀痛臣民無不感涕尋命採木于川貴湖湘間期以明歲起工已而漕下之木不當故毀材工部大臣以爲言上曰子孫能守舊亦可久乃匠官徐杲頗以規合法稱上意而長材亦駸駸輦輸至矣按三殿規制自宣德間再建後諸將作皆莫省其舊而杲能以意料量比落成竟不失尺寸則

其聰明兀自有過人者。世廟隻視吾輩無人而寵異雜流常至八座非其性有所溺乃等計見效末世儒者終不若他道之有成也。

三殿之災延及六科廊俱燬科官徑據各部朝房以居。諸尚書第唯唯不敢與之爭。禮科謝江素憚禮書吳山剛正特遣吏持帖懇之山正色曰六科皆自有朝房何以不居而乃欲居各部者倘他日待漏當置尚書於何地且七品官而僭二品衙門恐褻朝廷之體執不肯與而禮科遂假大理寺朝房居之。按是時山方有寵于上故每事得行其志而言官卒莫敢

與之抗若不借朝房一事，即使人難堪，而孔子惜繁
纓之意，前輩尚能存之，今不可望矣。

崑山朱府丞隆禧，以內察落職家居。平生喜延方士，偶
得其長生秘術，因陶真人仲文進之。西內又獻香納
之類。上悅，從其家拜太常卿，賜飛魚服，華陞禮
部侍郎，仍令致仕。其後病故，其配鄭淑人秦乞祭葬。
疏下禮部科官叅駁之，以抄至部，亦以查無實。歷年
月不敢題覆，閱數月忽內閣傳奉聖諭云：朱隆禧
固是考察之退，初因訪道，目爲妖人，以去。但伊自逢
秉一上藥方，進香納我，至今服御，去年十月內故。伊

繼室乞祭葬禮卿不與是因考黜然汝一傳示山此
義不爲例給之示上恩也于是禮部查照三品文官
事例與祭一壇併行工部造葬葬得允旨上御臣
下最嚴然稍用其力後必酬之隆禧卹典雖由陶仲
文所惠然終不以私恩廢公義其明斷如此

提督撫治鄖陽都御史員缺吏部尚書萬鏜會推通政
使趙文華可任兵科給事中朱伯辰隨劾文華邪媚
奔競竄略日章不宜復玷臺憲有 旨令別推而以
伯辰章下部文華因言通政使在 朝廷之上左右
將事例不推外今鏜意在出臣又嗾所親言官論劾

期必去臣而後快。且鏜前爲右都御史，後以侍郎起用，進尚書，乃通計前俸考滿，事涉欺罔，又以不得一品爲怨。上怒鏜并伯辰黜爲民，而晉文華供職。按鏜爲嚴嵩鄉人，又同年也。其進吏部，實嵩引之。然鏜望輕翰林，編檢故以後輩嚴事冢卿，至與鏜往來，始變爲敵禮。于是吏部之體面大壞，不可復矣。鏜才庸更通賄賂，已爲嵩所不悅。其九年二品考滿，僅加太子少保，非故事也。至是以其假子趙文華出撫益忤嵩，鏜遂得罪去。

壬子康妃杜氏薨妃，裕王母也。禮部遂上喪禮儀法。

尚書歐陽德等言、累朝皇妃薨、或未生皇子、或子非居喪而受封之國、或子立爲東宮而先薨、俱與今不同、惟成化中淑妃紀氏薨、所生皇子倫序居長、而與妃事體相類、但比時皇子尚幼、而今裕王旣已成婚、禮宜持服、主喪送葬、出城儀節稍異、乃議輟朝五日、裕王主喪、遵孝慈錄斬衰三年、欽遣大臣題主、開塋掩壙、祠謝后土、并用工部官送葬、儀仗人數皆增於舊、上覽之、謂大學士嚴嵩等曰、部擬用憲廟淑妃例、大不同、且裕王不當服斬衰、嵩等對、憲廟初有悼恭太子在前、淑妃之子居次、正與

康妃今日事體相同故禮部擬用其例喪禮必子為主裕王殿下須服斬衰以執餽奠之事太祖御製孝慈錄序文曰庶子爲其母斬衰三年部議遵州此也上復諭高持斬衰服三年當避君父之尊高言臣考洪武七年貴妃孫氏薨無子太祖命吳王橐服慈母服斬衰三年主喪事皇太子諸王皆服替是年孝慈錄成遂爲定制自後久無自事故未之講及茲當垂訓作則于後伏乞仍命殿下茲日衰杖入哭几筵其後居府盡三年之制上意猶未以爲然乃批部疏曰輟朝五日不合一切所擬俱非禮之正

其考賢妃鄭氏例酌議以聞於是德等復上儀注云
云踰入上曰輟朝以十七日爲始謚字止如例擬
請焚黃乃制命部議覆奏皇妃焚黃儀傳訖已非一
日蓋自累朝或所生皇子及親王或司禮監官行
禮皆拜而獻酒跪而讀祝乃參用上尊謚之儀而未
思賜謚爲制命其祭文稱皇帝遣與上尊謚迥然
不同也今旣奉旨以常禮從事當改議賜謚如賜祭
禮讀祝宣冊皆平立不拜上報可仍令著爲定規
如不係賜謚者臨期定擬以聞遂冊謚妃爲榮淑康
妃按上于典禮精析毫釐凡朝廷諭祭大臣遣官

皆平立不拜而諭祭王妃拜而獻酒跪而讀祝果係
累朝之傳訛而禮官不察姑襲舊儀上之非聖明
幾失其職矣

倭寇自嘉興遷屯柘林等處進薄嘉定縣之採淘港時
以零賊薄城掠掠會募兵叅將李逢時許國以山東
民鎗手六千人至與賊相遇于新涇橋逢時率其麾下
先進敗之退居羅店鎮官軍追及之擒斬八十餘
人已追至採淘港乘勝深入伏起我兵大潰溺水死
者千人指揮劉勇等死之初新涇之捷李逢時功最
許國恨逢時與之同事而不先納已乃別從間道襲

之欲以分逢時功會天大雨而劉勇等兵先陷沒諸
軍繼之倉卒不整遂大敗按是時總督尚書張經自
駐常州府而遣兩參將剿倭已兩大不相制而贊畫
者爲南京兵部主事譚綸盛唐權不足以攝兩參將
任其爭功喜殺每日率諸長鎗手出城揚兵則斬民
間禿者赧捷于是知縣楊且哭訴之督糧叅政翁大
立大立言之贊畫主事綸等謬解之曰兵氣欲揚公
奈何阻之也大立嘿然起曰凡人一念是可以動天
感神一念差可以覆宗絕嗣公等爲民剿賊乃殺民
當功耶綸等竟不聽而益縱長鎗手恣意騷擾奪民

居樓宿。即米鹽醬醋之類。俱被掠盡。民甚苦之。大立
乃促之出兵。兵行羅店鎮。俄而兩大至。或勸之。收兵
兩叅將徑督之。而前始至採淘港。不見一倭。惟倭船
數隻泊港。而皆以絮被蒙之。長鎗手礮方亂射。終不
動。比過午。海潮已上。諸港俱漫。賊十六人忽于蘆葦
中躍出。橫刀滾入吾陣。長鎗手笑亂。盡棄鎗走。臨港
不得渡。則自相殺。以溺死。凡死者三千餘人。國史止
據邸報書之。而云是役擒斬八十餘人。疑當時張經
之誣奏如此。卽所謂斬民間禿者首耳。實未嘗獲一
真倭也。且出兵遇雨。兵書所謂沐死雨也。而焚盡者

昧而無忌安得不取敗乎

韋駙馬鄔景和職回籍爲民初景和既奉旨入直會當
撰立文景和以不諳玄理辭上不悅時上有事
清馥殿在直諸臣俱進香行禮間有旨罷景和入
直景和即不俟禮成而出已賞賚諸臣銀幣景和與
焉景和心不安跡辭臣無功受賞懼增罪戾乞容辭
免使臣得洗心滌慮以效他日焉華表旌銜環結草
之報上大以爲恨乃摘疏中暴死字謂以不祥語
詆上怨訕失臣禮下法司叅看擬黜景和爲民從之
因去之崑山就民居爲朝夕計自奉薄于羈旅既逾

年自崑山詣闕入賀。聖旦畢，因言臣自五世祖寄籍錦衣衛，世居北方。今被罪南徙，不勝犬馬戀主之私，扶服入賀。退而私省公主墳墓於西山，見丘封巖然，荆棘不剪，臣竊自念，殫死尚立正首，臣爲生人托命貴主，獨於死者魂魄相吊於數千里外，不得展春秋祭掃之誠，拊心傷悔，五內崩裂。臣之罪重，不敢祈恩。惟陛下幸哀改主使臣得寄籍原衛，長於靈影相倚，死無所恨。疏入，上憐而許之。按景和一統，誇武夫，而初疏辭免撰文，令當時直贊諸臣負媿多矣。後疏請還祈守公主墳墓，意更慷慨，竟籍以回。

天蓋言之不可無文如此

遣工部右侍郎趙文華祭告海神并察視江南賊情初
文華條陳禦倭便宜首請遣大臣祭東海至是禮部
覆如其言上以問大學士嚴嵩嵩言南賊擾蘇
松二載設官調兵未見實效屢次奏報或多失實且
依部覆遣大臣往祭宣布朝廷德意令察視賊情
訪求可以區處長策其實奏聞其所差宦或即用文
華亦可上乃命文華往文華本嵩私人及是復自
以奇表術得幸于上既出憑寵自肆所睚眦立摧
仆之百司無不望風震懼奔走供奉恐後時公私財

賄填入其室。江南爲困弊焉。至于牽制兵機。顛倒功罪。以致紀律大亂。戰士解體。雖徵兵半天下。而賊勢愈盛。皆嵩引用匪人之罪也。按國史以文華素稱小人。又爲嵩所薦。其視師貪狼之迹。幾描寫殆盡矣。顧江南當兵興時。十享承平。人習養。因循翫愒。無肯爲朝廷出氣力者。以故師老兵疲。地方殘創。益甚。文華一出。以貪狼故。督撫諸臣皆畏之如虎。不敢不效命。恐後。始間立戰功。至于戮張經而用胡宗憲。卒收全績。似難掩其詭遇獲禽之功。不可縶以平生而盡抹殺之也。

罷兵部尚書。豹回籍閒住。是時南北多事。上深以
爲慮。責成本兵甚切。豹事多推諉。不當。上意惟秋
末輒頻舉各臣報捷。疏請謝玄祐而已。上初亦悅
之。爲漕大賚。再舉。頗厭之。傳諭輔臣切責。令陳剏平
南北之策。凡再上不稱旨。削俸二級。至是。上諭在
直八臣曰。祖宗時于吏兵二部正官。每慎其選。况
今日多事時。卽兵正年衰。不勝重任。卿等可評論之。
大學士陽嵩等對豹果衰耗。臣等當傳。聖意令彼
自爲進退。以全我。皇上優待大臣之體。于是豹乃
引疾乞休。上特令閑住去。按豹嘗爲松江知府。識

大學士徐階于徵時故京師虜變後階極力薦之然
其人實無他長於兵事尤其所短徒空言眩世而已
乃又當南北奏侵之日久玷本共非聖明自察其
無用惡能遽退而遠之哉

巳酉 詔錦衣衛遣官校總督南直隸浙福平務右
都御史張經及叅將湯克寬械繫來京問以侍郎趙
文華劾其畏巽失機玩寇殃民故也倭自去歲據松
江柘林川沙窪二處爲巢縱橫肆掠周迴數百里間
焚屠殆遍水陸兵無敢近者本年三月初廣西田州
土官婦瓦氏及東蘭南丹兒地歸順等州狼兵六千

餘名承經調至狼兵輕悍嗜利聞倭富有財貨亟欲
取之居民亦苦倭寇暴朝夕冀倖一戰文華既至嘉
興屢趣經亟檄狼兵剿賊經曰賊狡且衆今檄召四
方獨狼兵先至耳此兵勇進而易潰萬一失利卽
駭遠近觀聽姑俟保靜永順土兵至合力夾攻庶保
萬全文華再三言經終守便宜不聽文華乃疏言經
養寇糜財屢失進兵機宜惑于叅將湯克寬謬言欲
俟倭飽載出洋以水兵掠餘賊報功塞責耳宜亟治
以紓東南大禍疏至上以問大學士嚴嵩嵩對曰
如文華言且謂蘇松人怨經不可復留宜與克寬俱

逮京訊鞠以懲欺怠經克寬遂併得罪尋陞應天巡撫右僉都御史周琬爲兵部右侍郎仍兼原職代經總督經已就逮以平望王江涇大捷來聞于是兵科都給事中李用敬給事中閻望雲顧弘潞袁世榮高敏學等因言經選悞失事罪之誠當但今獲首功以千計正倭奴奪氣我兵激奮之時宜乘勢搗柘林川沙窪之巢以殲醜類若復易帥恐悞機會請姑召還錦衣使者待進兵後視其成績與否從而逮經加罪未晚也上覽疏大怒手批之曰張經欺怠不忠聞文華之奏方此一戰是何心也此輩黨奸惡直沮法

怨上罪不可貸乃命錦衣衛執用敬等各廷杖五十
黜爲民已而上心疑之以問大學士嚴嵩嵩言此
事臣昨問臣階臣本二臣松浙人以鄉郡被慘聞見
甚真皆言經養寇損威殃民糜餉不逮問無以正法
昨狼兵初至氣銳經禁久不進瓦氏憤曰我自備軍
糧不效尺寸何以歸見鄉黨及賊逸甚多地方震恐
文華憤不能平與御史胡宗憲合謀督兵追賊經聞
繼至今日文華誠忘身徇國然必籍巡按力宗憲勇
敢有膽畧親擐甲臨戎以致克捷此實上天垂祐
所至皇上昨諭欲遣官賜文華銀幣以壯彼威仰

見聖明激厲臣工至意但御史宗憲功同希亦賜一賞使彼地之知日月之明無遠不照功者勸非者懼矣上乃諭禮部曰昨文華不言賊情未免有誤可令竭忠督討仰贊玄威具遣衛官一員齎賜文華大紅金綵錦雞紗衣一襲銀六十兩御史宗憲協心王事賜銀三十兩綵段二表裏可即行給發之方文華發疏時未保兵已至浙其日卽有石塘灣之捷文華疏有云徵兵四集未有進戰之期蓋經以兵機貴密文華宗憲輩洮洩不輕與言耳今戰勝高乃言文華宗憲合謀督兵探甲致捷經聞乃至殊失事實

然狼土兵寔服經威名經被逮衆志卽泮渙周琬楊
宜皆庸鷙非濟變才且受制文華宗憲由是倭患日
新而狼土兵復爲地方所苦東南事愈不可爲矣按
經爲文華所訐故史臣欲輕文華而軒經或誤于所
聞以是持論稍稍失平經駐江南時受有司供億僭
侈無度其飲食俱用銀器所至強然自採淘港一敗
遂按兵不舉已爲文華所促致有王江涇之捷此豈
有主憂臣辱之念然已無救于敗軍殺將之罪矣故
上毅然誅之而三輔臣亦大恨其誤國當經被逮
入京望門行賄動以詎萬計卽萬亦不之納况徐階

李本親見桑梓之荼毒者乎傳聞異詞不可以不覆也顧王江涇之捷經亦有桑榆之功或赦其一死此亦法外之仁也

巡撫應天都御史曹邦輔以勦滅蘇州許墅關倭寇聞且言連年倭患其來必糾連大衆多者數千少亦不下數百其登岸刼掠近則百里遠不過千里未有以五六十餘之賊深入內地轉戰數千里直闚都門無所顧忌若此賊者且所過屠戮極其慘烈使不即殄滅得以遞歸彼已習知內地虛實將來招引醜類爲禍殆未可量所據僉事董邦政聞命疾趨躬履行陣

橫犯鯨鯢之衆不旬日而芟刈之真可謂奇功也請
亟加褒錄總督浙直侍郎楊宜亦報捷如邦輔言復
叅邦政雖有斬馘功然實故違節制當非督察侍郎
趙文華又言柘林餘賊復巢陶宅臣同浙江巡撫胡
宗憲督兵四千來松江會剿而應天巡撫曹邦輔僉
事董邦政不協力進兵顧乃避難趨易倖倖功捷乞
加懲究疏俱下兵部部覆文華所謂趨易蓋指蘇州
之寇而言所謂避難蓋指陶宅之寇而言竊計二寇
多寡雖殊比量聲勢不宜分難易論若使合而爲一
以流劫者之慄慄濟屯聚者之蕃衆未免復滋蔓難

圖乃今蘇州之寇剿滅無遺陶宅之寇自然勢孤氣
沮驅險爲易今第宜令黃邦政戴罪自效務將陶宅
之寇亟行殄絕俟事平之後總較功罪然後賞罰可
得施也詔下邦政於總督都御史逮問初文華聞
蘇寇且滅趣赴蘇欲攘其功比至則邦輔業已先奏
捷矣文華遂大怒乃以陶宅寇患委非邦輔邦政叅
之復嗾宜排邦政宜心知邦政功懼失文華意故予
盾若此

山西陝西河南同時地震聲如雷鷄犬鳴吠陝西渭南
華州朝邑三原等處山西蒲州等處凡廿或地裂泉

湧中有魚物或城郭房屋陷入地中或平地突成山
阜或一日連震數次或累日震不止河渭泛漲華岳
終南山鳴河清數日壓死官吏軍民奏報有名者八
十三萬有奇時致仕南京兵部尚書韓邦奇南京光
祿寺卿馬理南京國子監祭酒王維禎同日死焉其
不知名及未經奏報者復不可數計按是歲地震之
變古今罕有而渭南一縣地陷百里尤可詫也時兵
部尚書楊博之父亦被壓死上聞之諭嚴嵩此博
不忠所致博懷疑畏不敢爲父祈卹後奪情起復薨
遼總督始敢陳情給祭葬

逮戶科左給事中楊允繩下鎮撫司獄論死降浙江道御史張巽言爲河南武陟縣丞調光祿寺丞胡骨爲四川重慶府通判時允繩與巽言巡視光祿寺疏論膏收鶩混同子老鴛增物價至數百金宜正其侵冒之罪罪下法司驗問膏言玄典隆重所用品物不敢徒取充數前月子鶩嫩小欲全收老鶩允繩憎臣揀取太精斥言諸物不過齋事用之取充具可耳何必精擇其欺謗玄修如此上覽其疏大怒詔錦衣衛逮膏允繩等俱送鎮撫司從公掠治不得畏避鎮撫司具獄詞上上以該衛不逮巽言詰問掌衛事

左都督陸炳責其故脫以直贊宥之其右都督朱希
孝以下各奪俸三月允繩等送法司擬罪於是刑部
尚書何鰲等奏允繩坐儀仗內訴事不實者絞引例
發遣邊衛充軍膏妄費受贓爲民上詔允繩依律
處絞繫詔獄仍同御史巽言杖之於廷巽言降二
級與膏俱調外任按膏時倚親家大學士李本爲與
援故得以部郎改京堂爲人恣肆不檢而允繩故矜
體面偶與之同事常放言觸怒允繩不勝忿忿乃以
爭子鵠小事論膏而中引馬從謙盜內府贓物例意
欲殺膏亦似太激膏遂誣允繩誹謗玄修而允繩竟

坐絞死。允繩既死，膏自不宜出仕以示不自安之意。可也。比爲徽州同知，貪得無厭，居家復暴橫鄉里。隆慶初，詔卹錄允繩，而膏以他事發，有司亦置之大辟。蓋雪允繩之冤也。然今人罕詳其事之始末，而惡膏太甚，不知允繩亦有以取之矣。

湖廣麻城人胡尚堯，詐稱中書，僞爲恭誠伯陶仲文文移，詣雲南定邊縣取龍涎香進用。至則於石峒懸崖間，集夫役結梯而上，從石乳隙中取物三條，云是龍涎。見有鱗甲異物，風雷變態之狀，故以盛動大吏，爭相饋遺。黔國公厚賂之事聞，詔逮下鎮撫司拷訊。

論斬按是時上好道教故驛路往來詐冒百出有
龍虎山道士江得洋自稱奉詔詣四川鶴鳴山挂
幡撫按俱厚賂之比還荊州持勘合掛號守詰其奸
狀尋獲所販少女及馬騾以數十計隨行者七人俱
置之法而得洋逃去惜當事者畏縮不敢以其事聞
之于上也

上深以南寇爲憂疑趙文華前言零寇不實屢以問大
學士嚴嵩嵩曲爲營解上意終不釋文華聞而大
懼是時吏部尚書李默頗與嵩爲異同文華自江南
旋恣睢暴戾公卿多所凌侮無敢抗者默獨以盛氣

臨之揚宜既罷高文華雅欲以胡宗憲代默復推用
王誥由是高文華惡默滋甚及是文華謀所以自解
者稔上喜告訐反摘默部試選人策目有漢武唐憲
咸以英睿興盛業晚節乃爲任用匪人所敗等語指
爲謗訕奏之因詭言臣受 皇上重託爲人所嫉近
奉命還京臣計零寇指日可滅乃督撫非人今復一
敗塗地皆由默恨臣前歲効逮其同鄉張經思爲報
復迨臣經論曹邦輔則嗾給事中夏桾孫濬嫖孽臣
及宗憲黨留邦輔延及半年地方之事大壞昨浙直
總督又不推宗憲而用王誥抵塞然則東南塗炭何

時可解。陛下宵旰之憂何時可釋也。然罪廢之餘，皇上洗瘡錄用，不思奉公憂國，乃懷奸自恣，敢于非上如此。臣誠不勝忿忿昧死以聞。上覽疏大怒，詔禮部三法司及該科叅看，覆稱默偏執自用，失大臣體，至其策問所引漢唐故事，尤非所宜言。上以其語涉黨護，切責尚書王用賓等，各降俸三級，而下默鎮撫司拷訊。刑部尚書何鰲遂坐默比擬子罵父者律絞。上曰：「律不著臣詈君文，謂必無也。今有之，其加等處斬。」錮于獄。隨諭吏兵二部曰：「南賊一事，不宜坐視。人臣都不盡忠，文華非告密者，楊宜已。」

默仍去冠帶爲民。曹邦輔令巡按御史逮繫來京。問此任便推補。王誥不必去。令仍舊職。胡宗憲陞兵部左侍郎。蕪都察院左僉都御史總督軍務。尋陞湖廣按察使。張景賢爲右僉都御史代邦輔。默竟瘦死獄中。默博雅好文。偶鄉人陳全之者爲禮部祠祭司郎中。作歲終類奏災異疏詞頗紕謬。默見而醜之。曰此豈提學之選耶。會荊州缺知府。默推全之出補。全之大恨。以爲非格。旣授牒出京。適文華視師還。全之以門生謁之。潞河舟中。乃告默所出策題已。文華詰默求爲兵部尚書。默不答。第微笑而已。以是文華銜默。

刺骨遂上誣以謗訕時默已加翰林學士召入西內
同勲輔諸臣撰文紫有進閣之望矣顧讒人一搆竟
陷不測而是歲彗星犯太微垣上實欲以默當之
也

癸亥掌吏部事大學士李本言近者當事臣之內外用
人不論賢否動以愛憎爲用舍徇私納賄祇取充位
是以庶績日隳南北多故陛下焦思屢更數易卽
有齟齬自保之士鮮能分主要者臣聞琴瑟不調必
解而更張之稂莠不除嘉穀不生故用人在去不肖
夫大臣者小臣之倡也大臣不職小臣則靡然從之

故去不肖者先大臣矣。臣頃承任使，輒不忌諱，欲將兩京九卿、長貳、府寺等衙門堂官及各總督、巡撫、巡視其樸樸不稱者，稍易之。尚堪驅策者，留之。廢官邪知慙，疏人。上嘉其忠，愀命本分別去留上之。于是本歷疏大臣當罷去者若干人。吏部侍郎屬守禮等與焉。而以工部尚書吳鵬、高子世蕃列之優等。蓋本此舉專一承望高風，指去其異已者。比其考察科道亦如是已。肯下滿朝爲之捧腹，而鵬以是得改吏部尚書。惟嚴氏父子之指使，而賄賂之門大開矣。此世道一降之會也。

世廟識餘錄卷之十八終